

六藝之一錄

欽定四庫全書

六藝之一錄卷三十九

錢唐倪濤撰

石刻文字十五

沛縣漢高祖廟碑

沛縣有漢高祖廟廟前有二碑後漢立廟基以青石

為之階陞尚存

水經注

泗水亭高廟碑

泗水南逕小沛縣東岸有泗水亭漢祖為泗水亭長

即此亭也故亭今有高廟廟前有碑延熹十年立廟

闕崩褫畧無全者水中有故石梁處遺石猶存

水經注

漢高祖感應碑

在豐縣北延熹十年豐令劉豐立

天下碑錄

許由廟碑

潁川箕山有許由廟碑闕尚存是漢潁川太守朱寵

所立

水經注

二妃祠碑

相水上黃陵廟民為立祠於水側荊州牧劉表刊石

立碑樹之於廟

水經注

比干墓碑

朝歌縣牧野有殷大夫比干冢前有石銘題隸云殷大夫比干之墓所記惟此今已中折不知誰所誌也

水經注

夷齊廟碑

首陽山上有夷齊廟廟前有二碑並是後漢河南尹

廣陵陳尊雒陽令徐循與處士平原蘇騰南陽何進

等立

水經注

汲縣太公廟碑

縣故汲郡治城西北有石夾水飛湍濬急也人亦謂之礮溪言太公常釣於此也城東門北側有太公廟廟前有碑碑云太公望者河內汲人也縣民故會稽太守杜宣白令崔瑗曰太公甫生於汲舊居猶存君與高國同宗太公載在經傳今臨此國宜正其位以

明尊祖之義於是國老王喜廷掾鄭篤功曹邵勤等

咸曰宜之遂立壇祀為之位主

注水經

太原介子推廟碑

汾水西逕晉陽城南舊有介子推祠前有碑廟宇傾

頽唯單碑獨存矣今文字剝落無可尋也

注水經

楚相孫叔敖碑

楚相孫君諱饒字州敖本是縣人也六國時期思屬楚
楚都南郢南郢即南郡江陵縣也君受純靈之精懷絕

世之才有大賢次聖之質少見投首蛇對其母泣曰吾將
死母問其故曰吾聞見投首蛇者死今日見之母曰若
奈之何吾然行數十步念獨吾死可恐復令他人見之
死為曰埋掩其荆母曰若無憂焉其陰德玄善遂為父
母九族所異及其為相布政以道考文象之度敬授民
時聚藏於山殖物於藪宣導川谷波障源淥溉灌坂澤
堤防湖浦以為池沼鍾天地之美收九羣之利以愍潤
國家家富人喜優略樂業棧序在朝壁無螾蝥歲豐年蕃

庶人有曾閔貞孝之行四民美好從宮中節高榘改幣
一朝而化其憂國忘私乘馬三車不別牝牡繼高陽重
菽五舉子文之統其忠信廉勇禮樂文章軌儀同制其
富國充民明天時盡地力寔堅禹稷不能踰也專國權
寵而不榮羊一旦可得百金至於歿而無分銖之蓄
破玉玦不以寶財遺子孫終始若夫去不善如絕紉辟
患害於無刑衛節高義敦良竒分自曹臧孤竹吳札子
宰之倫不能駮也生於季末仕於靈王立溷濁而澄清

霞幽昏而照明其遺武餘與恨不與滅皇帝代同世世
為列姪國左朝廷其意常墨墨若冠章甫而望塗炭也
病甚臨卒將無棺郭令其子曰優孟曾許千金貸吾孟
楚之樂長與相君相善雖言千金實不負也卒後數年
庄王置酒以為樂優孟乃言孫君相楚之功即忼慨商
歌曲曰貪吏而可為而不可為廉吏而可為而不可為
貪吏而不可為者當時有汙名而可為者子孫以家成
廉吏而可為者當時有清名而不可為者子孫困窮投

芻而賣薪貧吏常苦富廉吏常苦貧獨不見楚相孫射
教廉絜不受錢涕泣數行若闕首王王心感動覺悟問
孟孟具列對即求其子而加封焉子辭父有命如楚不
忘臣社稷闕而欲有賞必於潘國不濕境堉人所不貪
遂封潘鄉潘即固始也三九無嗣國絕祀廢固始令段
君夢見孫君則序其後就其故祠為架廟屋立石銘碑
春秋烝嘗明神報祚即歲遷長掖大守及期思縣宰段
君諱光字世賢魏郡鄴人庶慕先賢體德允恭篤古尊

舊奉履憲章欽翼天道五典興通文藉祭

闕

志在惠康陞枯粟之愛育藜

闕

杜偽養善是忠表仁感想孫

闕

勤勤愛敬念意自然刻石銘

闕

福祐期思縣興士熾孫氏

闕

漢延熹三年五月廿八日立

右楚相孫君之碑隸額今在光州延熹三年固始令

段光為叔敖作廟所立昔楚莊王朝而晏罷樊姬因

言虞邱子之非虞邱乃薦叔敖代已而去楚國區區
前有虞邱後有叔敖其內又有樊姬莊王雖欲不霸
得乎左氏傳載為敖為艾獵杜預皆以為叔敖它書
但云孫叔敖此碑獨言其名饒未知何據高相改弊
乃孫叔革故易俗之事左傳所云君子小人物有服
章亦是類也蛇有二首謂之枳首枳讀如枝亦曰岐
首此云枝首蓋是借用鼃錯倪寬史家亦用朝與兒
字此以伍舉作五舉以庭堅作霆堅豈古亦通用乎

孫叔以忠清相楚不以寶財遺子孫玉玦尚猶破之
 蓋季文子公儀休之倫也云亡未幾妻子至於披褐
 賣薪楚廷非無左右大臣塗其耳而不聞卷其舌而
 不談慷慨悲歌感悟主聽乃一伶人爾豈樊姬已死
 而叔敖薦進之士不逮虞邱乎三九無嗣者無相繼

為三公九卿也

釋隸

碑中以刑為形以波為陂以棫為式以貸為贄以
 藜為黎以駮為參以墨為默以郭為椽以長掖為

張掖泉添水而為涑澤去水而為鞏又質即質字
聚即聚字喀即游字墅即野字蟻即螟字處即處

字塗即塗字遷即遷字鰥即鰥字

上全

汝水東逕固始縣故地北地里志縣故寢也孫叔敖
以上浸薄取而為封故能綿嗣城北猶有孫叔敖碑
建武二年司空李通又慕叔敖受邑故光武以嘉之

更名固始

水經注

期思縣城之西北隅有楚相孫叔敖廟廟前有碑

水經

注

右漢孫叔敖碑云名饒字叔敖而史記不著其名而見於他書者亦皆曰叔敖碑而已微斯碑後世遂不復知其名饒也此碑世亦罕傳余以集錄二十年間求之博且勤乃得之然則世之未見此碑者猶不知為名饒也謂予集古為無益可乎

集古錄

右漢隸不著書撰人名氏叔敖事迹著於史傳然皆謂之叔敖而已獨此碑言其名饒叔敖乃字也其他

事迹與史傳同延熹三年期思令光

碑亡其姓

為之立廟

及此碑在光州

集古錄目

楚相孫叔敖碑漢延熹三年五月二十八日立固始

縣令段君夢見因故祠架廟堂屋以存其後故列於

斯又按叔敖相楚其事著於列子莊子左氏呂氏春

秋賈子說苑等書太史公作史記不詳見而此碑當

桓帝時能自敘列又多異聞疑當時自有書以傳可

得據而成之今考史記優孟為叔敖衣冠抵掌談語

其歌曰山居耕田苦難以得食起而為吏身貪鄙者
餘財不顧耻辱身死家室富又恐受賕枉法為姦觸
大罪身死而家滅貪吏安可為也念為廉吏奉法守
職竟死不致為非廉吏安可為也楚相孫叔敖持廉
至死方令妻子窮困負薪而食不足為也於是莊王
謝優孟召叔敖子封之寢邱至碑則曰叔敖病甚臨
卒將無棺槨令其子曰優孟曾許千金貸吾孟楚之
樂長與相君相善雖言千金實不貸也卒後數年莊

王置酒以為樂優孟乃言孫君相楚之功即忼慷高
歌曰貪吏而可為而不可為廉吏而可為而不可為
貪吏而不可為者當時有污名而可為者子孫以家
成廉吏而可為者當時有清名而不可為者子孫困
窮衣褐而賣薪貪吏常苦富廉吏常苦貧獨不見楚相
孫叔敖廉潔不受錢涕泣數行王心感動覺悟問孟
孟具列對而求其子封於潘國下濕境堉人所不貪
遂封潘鄉潘鄉即固始碑史於文雖異其謂因困窮

而後封者則同也昔叔敖曰楚人鬼而越人戡可常有者惟寢邱至其後猶子孫守之似不因其困窮而受封況寢邱自是叔敖所命於其子者子孫能守不廢又何至乞食優孟而後求封此地哉皆不可信也歐陽公嘗言非此碑不知叔敖名饒余求於書自漢安順後諸儒鄉霹虛造無所檢括競為異說使學者竒偉所聞樂附從之如伏生為勝毛公為萇子賤為宓此皆西漢所不書也其應劭謂公羊為高穀梁為

赤阮孝緒以穀梁為倣沈以仲叔名貢此不得知也
至不知其時則又妄論之矣何休以公羊漢初人糜
信以穀梁當秦孝公時而西漢皆謂子夏門人如此
者衆也不知何考之焉啖助曰西漢諸儒猶不能定
其時代及名字而後代妄為記錄此碑所謂叔敖名
饒余於此則有疑焉

廣川
書跋

楚相孫君碑不見書撰人名氏考史記本傳列於循
吏之首獨載改幣高梱事為詳而碑則略之埋蛇陰

德僅書於劉向新序屬子云云則在優孟傳然其文
意皆不同碑謂生於季末仕於靈王則謬矣且莊之
後為共為康為邾教歷三世凡五十年始為靈安得
仕於靈卒後數年而莊復封其子邾六一先生跋喜
其得叔教之名兼以集錄二十年求之博且勤乃得
之故不暇訂正耳

劉昌詩蘆浦筆記

此碑見於水經注言在期思縣城西北隅楚相孫叔
敖廟前然作文之人似不曾見春秋史記者其文云

叔敖為相庶人有魯閔貞孝之行叔敖相楚莊王乃
魯宣公時而魯閔二子魯定哀間人當楚昭王惠王
之世援後贊前已為不順又云繼高陽重黎伍舉子
文之統則大可異伍舉乃靈王時人在叔敖後四五
十年而邲之戰叔敖所斥嬖人伍參即舉之父乃云
繼其統何耶又云仕於靈王又云卒而莊王封之按
春秋莊王子共王共王子康王靈王今反以靈王在

莊王之前可謂目不知書者矣

金石文
字記

孫叔敖碑陰

延熹三年歲左

闕

中夏之節政左封表期恩長光視

事一紀訪問國中耆年舊齒素聞孫君楚時良輔本起
屯邦垂名於後博求遺苗胃玄孫子考龜吉辰五月辛
卯宜以存廢可立碑祀招請諸孫都會國右郭西道北
霞所顯好興上宰祭倡優鼓儻式序其胄授之端首光
以不肖貪追賢烈以自榮寵時丞左馮翊姓如諱武尉
京兆周陵詳集共造戶曹掾哀騰令史許松

闕

相君有

三嗣長子即封食邑固始少子在江陵中子居三闕丞

襲闕業績林二宗則其苗胄也相君卒後十有餘世有

渤海太守字武伯武伯有二子長子字伯尉少子字仲

尉仕郡為掾吏伯尉有一子字世伯舉江夏孝廉城門

侯仲尉有二子長子字孝伯荊州從事弟世信任闕掾

功曹會焉哀之間宗黨為賊寇所殺世伯孝伯世信各

遺一子財八九歲微弱不能仕學世世伯子字子仲治

產於績雲有六男一女大子字長都次子蘭卿次弟字

仲陽次弟字村通次弟字衛公次弟字劉卿此績宗六

父也孝伯子字文闕亦不仕學治產於材壹亦有六男

一女大子字惠明次弟字次卿次弟字聖公次弟字稚

卿次弟字產卿次弟字少都此材宗六父也世信一子

相承季陵文卿孝公此闕壹一父別其高祖與材高祖

父親兄弟孫氏宗族別闕 謹紀也

右孫叔教陰碑此陰與前碑皆延熹三年五月所作

前云臨縣一載此云視事一紀蓋以一紀為一年爾

段光宦君子之鄉懷良輔之美訪問耆舊博求遺苗
卜擇今日興廟植碑招集諸孫倡樂高會又以其雲
來長幼之序仕學生產之實刻於碑之陰雖自譜其
家者亦不如是之詳也

釋隸

績即繚字效即殺字誼即譜字

上全

右孫叔敖碑陰云延熹二年仲夏之節政在封表期
思長光視事一紀訪問國中耆年素聞孫君楚時良
輔又云博求遺苗曾玄孫子考龜吉辰五月癸卯宜

以存廢可立碑祀招請諸孫都會國右郭西道北處
所顯好與上宰祭倡優鼓舞又云相君有三嗣長子
即封食邑固始少子在江寧中子居三
下一字
磨減又云
相君卒後十有餘世有渤海太守其後歷敘子孫名
字甚詳而文字斷續不可次第按期思長光碑陰不
載姓氏叔教碑雖有之然已殘缺矣漢時令長有在
官一紀不遷者乃知前世官吏重於移易如此不惟
吏民免送迎之擾而士人亦皆安於其職無僥倖苟

進之心與後世異矣

金石錄

季札子碑

奉高縣有吳季札子墓季札聘上國喪子於嬴博之間即此處也前有石銘一所漢末奉高令所立無所述敘標誌而已自昔常蠲民戶洒掃之今不能然碑石糜碎靡有遺矣唯故趺存焉

水經注

宛城范蠡祠碑

宛縣城側有范蠡祠蠡宛人祠即故宅也後漢末有

范曾字子閔為大將軍司馬討黃巾賊至此祠為蠡
立碑文勒可尋夏侯湛之為南陽又為立廟焉

水經注

汨羅屈原廟碑

汨水又西為屈潭即羅淵也屈原懷沙自沉於此故
淵潭以屈為名昔賈誼史遷皆嘗逕此弭節江陵投
弔於淵淵北有屈原廟廟前有碑又有漢南太守程

堅碑寄在原廟

水經注

四皓碑

三輔舊事云漢惠帝為四皓作碑於其所隱處此神

坐及胙几豈亦當時所立耶

東觀
餘論

四皓神位刻石

右四皓神位神胙几刻石四在惠帝陵旁驗其字畫
蓋東漢時書按顏師古匡謬正俗引圜稱陳留風俗
傳自序云圜公之後圜公為秦博士避地南山漢祖
聘之不就惠太子即位以圜公為司徒自圜公至稱
十一世按班固述四皓但有圜公非圜公也云當秦

之時避地入商洛深山則不為博士明矣又漢初不置司徒安得以圜公為之乎稱之說實為鄙野余嘗疑稱著書自述其世系不應妄誕如此及得四皓刻石見其所書亦為圜公乃知稱所述果非臆說蓋當時所傳如此爾至謂圜公為秦博士及惠帝時拜司徒者疑無所據也

金石錄

四皓之目始見於法言及漢書王貢傳序相承讀之曰園公曰綺里季曰夏黃公曰角里先生前賢未始

有異故王黃州元之在汝州有詩云未必頭如樗里
子也應頭似夏黃公而畢文簡公嘗譏評之以謂不
當云夏黃公蓋杜子美詩云黃綺終辭漢謂之黃綺
則四皓之目宜曰園公曰綺里季夏曰黃公曰角里
先生也僕初亦以為然蓋逸少有尚想黃綺帖陶淵
明詩亦曰黃綺之南山又曰且當從黃綺皆可以為
証然近歲商於耕夫得漢世石刻數種有云園公神
坐綺里季神坐角里先生神坐又各有神胙机皆漢

人隸書其號不應誤則與文簡之說異矣當以石刻為正宜從舊目則前人所謂黃綺者特各取一字以目二人不必皆其首字也又園公石刻乃為圈公蓋二字音文為近或冊牘傳寫之差亦當以圈為是按顏師古匡謬正俗有圈稱陳留風俗傳自序云圈公之後圈公為秦博士避地南山漢祖聘之不就惠太子即位以圈公為司徒以是書證之圈姓愈曉然矣今尚有圈姓者姓氏之書多以圈為園公之後此又

可證云

東觀
餘論

神坐西漢所書鑿石為位以為祭也一曰園公神坐
二曰綺里季神坐三曰夏黃公神坐四曰角里先生
神坐重畫深鑿其書甚完知漢人去秦不遠其相傳
必不誤昔王元之在汝水以詩寄畢文簡曰未必頭
如樗里子也應頭似夏黃公文簡謂綺里季夏當為
一人黃公其別一人也元之檢諸書得陶淵明洎唐
人詩皆言黃綺如李白輩亦如此即改去此詩然世

亦竟傳自是人皆以文簡為据余得四皓神坐知元
之非誤但昔人論四皓或言園綺或曰綺夏不必盡
舉首字取之順則用之或淵明自讀作綺里季夏不
可知也周燮曰追綺季之蹟世說曰綺季東園公夏
黃公角里先生謂之四皓姓書有綺里先生季其字
也則為夏黃公無可疑者風俗通楚鬻熊之後為圜
考之陳留志圜公自是秦博士周庚以常居圜中故
謂圜公昔圜稱撰陳留風俗記蔡邕集有圜典魏有

園文生皆其後也古者角與祿同文故樂書作祿鄭
康成於禮角皆作祿陳留志作角唐李涪常辨之

廣川

書跋

右四老神坐神胙机凡四揚子雲法言曰美行園公

綺里季夏黃公角里先生班孟堅叙近古逸民與揚

子同陳留志云園公姓庾字宣明常居園中因以為

號夏黃公姓崔名廣隱居夏里號曰黃公角里先生

姓周名術或曰霸上先生皇甫謐之徒說又相戾故

顏師古注漢書悉棄不取陶淵明詩有曰黃綺之商
山杜子美詩有黃綺終辭漢之句似亦以夏為地名
也惟圜稱陳留者舊傳自序云圜公為秦博士避地
南山惠太子以為司徒至稱十一世此刻有圜公神
坐及神胙机則圜公蓋有所據也此四人者神坐及
胙机當各有之今綺季角里尚闕其一而黃公者未
見傳者云數十年前商於農人耕地得此

洪氏
隸釋

漢廣野君酈食其廟碑

睢水東逕高陽故亭北有漢廣野君廟碑延熹六年
十二月雍邱令董生仰餘徽於千載遵茂美於絕代
命縣人萇照為文用章不朽之德其畧云輟洗分餐
諮謀帝猷陳鄭有涿鹿之功海岱無牧野之戰大康
華夏綏靜黎物生民以來功盛莫崇今故宇無聞而
單碑介立矣

水經注

陽渠水東流逕漢廣野君廟食其廟南廟在北山上
成公綏所謂偃師西山也山上舊基猶存廟宇東面

門有兩石人對倚北石人胸前銘曰門亭長石人西
 有二石闕雖經頽毀猶高丈餘闕西即廟故基也基
 前有碑文字剥缺不可復識子安仰澄芬於萬古讚
 清徽於廟像文字備厥集矣

上全

張公神碑

惟和平元車正月

闕

朝歌長鄭栢造

闕

張公建

闕

良

闕之山運置綦陽刊齧涿摩立左右闕表神道

闕

豎碑

廟堂之前到五月

闕

乃成長

闕

之銘勒神懿光祕

後昆其辭曰

於穆張公舍和泰清受符皇極乾剛川靈何天之休元

亨利貞無

闕

貴神耀洞

闕

度

闕

泉啟商北垆獄朝

綦陽厥土敞平芝草茂木瀟瀟滋榮羣萌勳爰激川通

闕

懷

闕

廟克儉損盈詔命有司

祭以中牲歲聿再慶公其饗零興米億載歷數萬君

闕

太

闕

顯猶昭拂英勳

闕

錫兮福惠此

吏民國無灾寇屢獲豐年

闕

皇帝眉

壽干祿於天牧守皆升握台輔辰長與丞尉超遷相曰

休闕烈烈無闕

臨犁陽營謁者李君畏敬公靈好

鄭長文徹奉佐工悃愊慤勤闕吏闕

熹且惶作歌

九章達李君闕頌公德芳其辭曰

綦水湯湯揚清波東䟽闕折闕于河闕

朝歌

縣以絜靜無穢瑕公闕守相駕蜚魚往來悠忽遂熹娛

祐此北民寧厥居闕出自綦闕

松柏鬱茂蘭公

闕神往來乘浮雲種德收福惠斯民家饒戶富無闕

貧置界窮靜和睦

闕

朝歌蕩陰及犂陽三女所處各

殊方三門鼎列推其鄉時攜甥舅歸候公夫人

闕

容

闕

饗

闕

觴穆風屑兮起壇旁樂吏民永未

央

闕

鹿嘒嘒兮

闕

庭文樂樂兮

闕

飲清泉兮

闕

見

闕

伏兮不駭驚惟公德兮之所寧上陵廟兮助

三牲天時和兮甘露冷日晡

闕

兮無虧傾

闕

蜚兮朱

鳥棲

闕

榮兮鳴喈喈戴鵠勦兮乳俳徊給御卯兮獻

于西惟公德兮之所懷

闕

池水

闕

兮釣臺祭四角樓兮

臨深澗魚岌岌兮踊躍見振鱗尾兮游肝肝時釣取兮

給享獻惟公德兮之所衍闕栗蕭汁兮藜鋪陳新美萌

兮香苾芬蕙草生兮滿園田競苔茗兮給萬錢惟公德

兮之所闕門堂鬱兮文耀光公神赫兮坐東方明暴

視兮儼叩叩夫人闕女兮列在旁陳君愛北兮從官闕

車騎絡驛兮交錯重乘輓軺兮駕飛龍駮白鹿兮從仙

僮游北嶽兮與天通闕玄碑既立雙闕建兮闕

大路畔兮亭長閣闕扞難兮列種槐梓方茂爛兮天

下遠近闕不見萬公神日著聲洞漏兮闕乾川傳億

萬兮闕臨犂陽營謁者

豫章南昌李朝伯丞左馮翊夏陽趙寵德雅朝歌長穎

川陽城鄭彬伯林左尉京北下闕水陽里郭虞子下闕

扶風安陵闕邵公霞士魏郡闕封闕仲舉霞士魏郡

犂陽下闕

右張公神碑隸額在犂陽威宗和平元年立碑云朝

歌長鄭柳為張公建闕作碑銘勒神懿監黎陽營謁

者李君好鄭之文既徹俸佐工又作歌九章刻之石
皴剝不明僅能辨其梗槩其辭依放離騷頗亦道雅
可觀詩中再稱其夫人又云朝歌蕩陰及黎陽三女
所處各殊方三門鼎列推其鄉時攜甥幼歸候公不
知張公是何神也漢志注云世祖以幽并州兵騎定
天下故於黎陽立營以謁者監之

釋隸

碑以綦為淇涿摩為琢磨勦為巢僮為僮漏為徧
盈即盈字慶即薦字宀即宀字从水之字皆作篆

文

全上

右漢張公廟碑在黎陽而碑無題首又其文字殘滅不可考究莫知為何碑第時時得其字之可識而僅成文者曰惟和平元年正月丙寅和平桓帝年號以此知為漢碑也又曰豐碑廟堂之前又曰於穆張公則又知為張公廟碑矣又曰國無災棺屢獲豐年作歌九章頌公德芬其辭有云公與守相駕飛魚往來倏忽遂熹娛祐此兆民寧厥居其餘字畫尚完者甚

多但不成文爾錄集古

右隸書不著書撰人名氏字多訛缺雖字迹粗可見而不復文其間有銘辭凡二首漢朝歌長鄭柳以和平元年為張公立碑於廟又為監黎陽營李君作歌九章同刻其後又有李君等題名亦訛缺不可辨矣

在黎陽全上

漢張公神碑在通利軍衛縣和平元年立碑天下錄

漢光武皇帝碑

在汝州汝墳鎮

天下碑錄

漢章帝北巡至高邑光武亦即位於此有石壇壇有

珪頭碑即帝建在高邑

寰宇記趙州

漳河神壇碑

鉅鹿縣銅馬祠側有碑述河內修武縣張道字景明以建和三年為鉅鹿太守漳津汎濫土不稼穡導披按輿圖與丞彭叅掾馮道嵩等原其逆順揆其表裏修防排通正水路功績有成民用嘉賴題云漳河神

壇碑而俗老者儒猶揭斯廟為銅馬劉神寺是碑項

因震裂餘半不可識矣

水經注

王子喬碑

薄城有王子喬碑冢側有碑題云仙人王子喬碑曰
王子喬者蓋上世之真人聞其仙不知興何代也博
問道家或言潁川或言彥蒙初建斯域則有斯邱傳
承先民曰王氏墓暨于永和之元年冬十二月當臘
之夜上有哭聲其音甚哀附居上王伯怪之明則登

而察焉時天鴻雪下無人徑有大鳥迹在祭祀處左
右咸以為神其後有人着大冠絳單衣杖竹立冢前
呼採薪孺子伊永昌曰我王子喬也勿得取吾墳上
樹也忽然不見時令太山萬熙稽故老之言感精瑞
之應乃造靈廟以休厥神於是好道之儔自遠方集
或絃琴以歌太一或譚思以歷丹田知至德之兆寔
真人之祖先延熹八年秋八月皇帝遣使者奉犧牲
致禮祗懼之敬肅如也國相東萊王章字伯義以為

神聖所興必有銘表乃與長史邊乾遂樹之立石紀
頌遺烈觀其碑文意似非遠既在逕見不能不書存

耳水經注

仙人唐公房碑

君字公房成固人蓋帝堯之闕

之故能舉家闕

去上陟皇耀統御陰陽騰清

躡浮命壽無疆雖王公之尊四海之富曾闕

毛天地之性斯其至貴者也耆老相傳以為王英居攝

二奉君為吏部

闕

土域啖瓜商有真人左右莫

察而君獨進美瓜又從而敬禮之真人者遂與

闕

期聲

谷口山上乃與君神藥曰服藥以後當移意萬里知烏

獸言語是時府在西成去家七百餘里休謁狹轉景

即至闔郡驚焉白之府君從為御史輦輒車被具君

乃畫地為獄召髡髡誅之視其腹中果有被具府君

闕

賓燕欲從學道公昉項無所進府君怒勅尉部史收公

昉妻子公昉乃先歸冷谷口呼其師告以危急其師與

之歸以藥飲公昉妻子曰可去矣妻子戀家不忍去又
曰豈欲得家俱去乎妻子曰固所願也於是乃以藥塗
屋柱飲牛馬六畜須臾有大風玄雲來迎公昉妻子屋
宅六畜脩然與之俱去昔高松崔白皆一身得道而公
昉舉家俱潛盛矣傳曰賢者所存澤流百世故使聾鄉
春夏毋蚊搗秋冬鮮繁霜厲蠱不遐去其螟貲百穀收
入天下莫知斯德祐之效也道牟羣仙德潤故鄉知德
者鮮歷世莫紀

闕

漢中大守南陽郭君諱芝字公

載脩北辰之政馳周邵之風歌樂唐君神靈之美以為
道重者名邵德厚者廟尊乃發嘉教躬捐奉錢倡率羣
義繕廣新廟闕和祈福布之北民刻石昭音揚君靈譽
其辭曰

上闕遂享神藥超浮雲兮下闕

碑陰

故江陽守長成固楊晏字平仲東部督却成固左介字
元術故江陽守長南鄭楊銀字伯慎處本南鄭祝龜字

元靈司徒掾南鄭祝揚字孔達處本南鄭祝岱字子舉

故益州從事南鄭祝忱字子文處本南鄭祝恒字仲舉

處本南鄭祝朗字德靈處本南鄭祝崇字季舉太守南

鄭祝榮字文華太守史南鄭趙英字彥才處本南鄭劉

通字海闕故襄中守尉南鄭趙忠字元楚闕南鄭楊

鳳字孔鸞

右仙人唐君碑篆額漢中太守郭芝立今在興元唐

君字公房王莽時人也博物志云城固縣壻鄉有唐

公昉得道雞犬皆升仙惟以鼠有惡不得去鼠自悔
每月一吐其腸胃更生謂之唐鼠搃仙錄所引博物
志又云鼠至空中自墮腸出一月三易故山中有拖
腸鼠水經云智水川有唐公房祠公房入雲臺山合
丹服之白日升天雞鳴天上狗吠雲中以鼠惡留之
鼠乃感激以月晦日吐腸胃更生公房升仙之日壻
行未還不獲同階雲路約以此川為居無繁霜蛟虎
之患故其俗因號為壻鄉二說惟鼠事小異神仙錄

則云神仙李八百為公房家傭偽作惡瘡使公房夫
 婦及三婢舐之又索美酒三十斛浣瘡因以餘酒飲
 公房夫婦顏色更少授以丹經一卷公房入雲臺山
 作藥藥成服之仙去其說皆異唯鍊丹雲臺與水經
 同爾後漢志云褒中有唐公房祠蓋隸法房字其戶
 在側故人多不曉或作防或作昉皆誤也

隸釋

英即莽字聲即壻字聲即鼠字聲即廳字

全上

智水川有唐公祠唐君字公房城固人也學道得仙

入雲臺山合丹服之白日升天雞鳴天上狗吠雲中
唯以鼠惡留之鼠乃感激以月晦日吐腸胃更生故
時人謂之唐鼠也公房升仙之日壻之行未還不獲
同階雲路約以此川為居言無繁霜蛟虎之患其俗
以為神因號為壻鄉故水亦即名焉百姓為之立廟
於其處也刊石立碑表述靈異也

水經注

右漢公昉碑者迺漢中太守南陽郭芝為公昉修廟
記也漢碑今在者類多磨滅而此記文字僅存可讀

所謂公昉者初不載其姓名但云君字公昉爾又云
耆老相傳以為王莽居攝二年君為郡吏啖瓜旁有
真人左右莫察君獨進美瓜又從而敬禮之真人者
遂與期谷口山上乃與君神藥曰服藥以後當移意
萬里知鳥獸言語是時君去家七百餘里休謁往來
轉景即至闔郡驚焉白之府君徙為御史鼠齧被具
君乃畫地為獄召鼠誅之視其腹中果有被具府君
欲從學道項無所進府君怒勅尉部吏收公昉妻子

公昉呼其師告以厄其師以藥飲公昉妻子曰可去
矣妻子戀家不忍去於是乃以藥塗屋柱飲牛馬六
畜須臾有大風雲來迎公昉妻子屋宅六畜倏然與
之俱去其說如此可以為怪妄矣嗚呼自聖人歿而
異端起戰國秦漢以來竒辭怪說紛然爭出不可勝
數久而佛之徒來自西夷老之徒起於中國而二患
交攻為吾儒者往往牽而從之其卓然不惑者僅能
自守而已欲排其說而黜之常患乎力不足也如公

昉之事以語愚人豎子皆知其妄矣不待有力而後能破其惑也然彼漢人乃刻之金石以傳後世其意惟恐後人之不信然後世之人未必不從而惑也

題下註云一作仙人唐君碑歲月未詳

集古錄

公昉碑不著書撰人名氏公昉成固人碑不書其姓名公昉乃字也者舊相傳云公昉以王莽居攝中及其妻子室屋牛馬皆升天後漢漢中太守郭芝修其

廟立此記不知所立年月在興元

集古錄目

君子公昉碑此碑巴郡漢中太守郭芝立石碑祠下
書其事者余見其已異也昔公昉以藥塗屋柱飲牛
馬六畜脩然與之俱逝神仙變怪不可以常理論之
然雞犬皆仙昔淮南王安或為其說如此余見淮南
以罪誅死知其為說者妄也公昉事雖增異矣然可
以不信者於事則得為概見也昔葛稚川謂仙人可
以盡求其言劉向所說列仙傳自刪秦大夫倉書中
出之洪又采其遺者中黃仙人石光康鳳子崔文劉

元藥子長李文尹子張子和王柱董君異衛叔卿梁伯而謂李八百為唐公昉作傭客後八百偽病公昉為廢數千萬不以為損又作惡瘡公昉與其妻妾舐之其瘡盡愈以丹經授公昉公昉入雲臺山中合丹丹成仙去洪之傳如此不聞其與六畜俱逝然碑立於漢而洪為書在後洪不取此知其謬也洪嘗論藥可飲牛馬鳥獸令其不死則如公昉事正洪所欲得而不以言則知當無其傳彼果有傳人亦不以信也

抑雖稚川好竒亦不謂其傳可信耶大抵世人喜道

怪然理之所在可以考也

廣川書跋

漢仙人唐公昉飛昇有碑剥落在陝西漢中府城固

縣

古今書刻

汝南張明府祠碑

汝南城南里餘有神廟世謂之張明府祠水旱之不
節則禱之廟前有碑文字紊碎不可復尋碑側有小
石函今按桂陽先賢畫讚臨武張熹字季智為平興

令時天下大旱熹禱雩未獲應熹乃積柴自焚主簿
崇小史張化從熹焚焉俟火既燎天靈感應即澍雨
此熹自焚處也

水經注

枝江王子香祠銘

枝江縣有陳留王子香廟子香於漢和帝之時出為
荊州刺史有惠政天子徵之道卒枝江亭中常有三
白虎出入人間送喪踰境百姓追美甘棠以永元十
八年立廟設祠刻石銘德號曰枝江白虎王君其子

孫至今猶謂之白虎王

水經注

符縣女絡碑

江水逕符縣下北入江縣長趙祉遣吏光尼和以永
建元年十一月詣巴郡沒死成濡灘子賢求喪不得
女絡年二十五歲有二子五歲以還至二年二月十
五日尚不得喪絡乃乘小船至父沒處哀哭自沈見
夢告賢曰至二十一日與父俱出至日父子果浮出

江上郡縣上言為之立碑以旌孝誠也

水經注

孝女叔先雄父泥和墮湍水尸喪不歸雄於父墮處投水死後六日與父相持浮於江上郡縣表之為雄

立碑圖像其形焉

後漢書列女傳

上虞縣曹娥碑

縣東有龍頭山南帶長江東連上陂江之道南有曹娥碑娥父盱迎濤溺死娥時年十四哀父尸不得乃號湧江介因解衣投水祝曰若值父尸衣當沈若不值衣當浮裁落便沈娥於沈處赴水而死縣令度尚

使外甥邯鄲子禮為碑文以彰孝烈

水經注

曹娥父盱溺死娥遂投江死元嘉元年縣長度尚改

葬娥於江南道傍為立碑焉

後漢書列女傳

漢度尚所立邯鄲淳文

諸道石刻錄

漢孝女曹娥碑在會稽縣東南七十二里按後漢書

云元嘉元年縣長度尚改葬娥為立碑會稽典錄云

尚弟子邯鄲淳字子禮時甫弱冠而有異才尚先使

魏朗作曹娥碑文成未出會朗見尚尚與之飲宴而

子禮方下督酒尚問朗文成未朗辭不才因試使子
禮為之操筆而成無所點定朗嗟歎不暇遂毀其草
其後蔡邕題八字云黃絹幼婦外孫壘白其碑歲久
字多訛缺至景德中重立

寶刻
叢編

六藝之一錄卷三十九

欽定四庫全書

六藝之一錄卷四十

錢唐倪濤撰

石刻文字十六

後漢謁者景君碑

洪氏隸釋作謁者景君墓表

惟元初元車五月丁卯故謁者任城景君卒嗚呼

闕

國喪淑臣朝失貞良同

闕

吏無

闕

瞻學

者靡

闕

紀德

闕

生有爵號歿其功

闕

追

闕

即辭云

闕

惟君東循仁知

闕

興門

闕

發政

然闕

爾闕

風兼體闕

明折幽通言

信行薦謙廉允躬闕

不闕

不闕

人闕

勇匪石外和內

公疾遁曲闕

詭隨闕

闕

通闕

義

命栗肅以闕

理政治孝親忠君闕

嘉命挽闕

敬應闕

股肱耳目闕

彈闕

圳枉茹剛吐

采五官功轉骨骸之臣闕

嚴闕

祖之貞史任之直公

浩清辟闕從事闕

邦之雄喧動萬里闕郡位升察舉

孝廉百國之宗能文繡闕

於闕心闕

光闕帝庭

闕

問股肱龍升鳳翔進退闕便闕公劉姿

闕

益闕昌闕逝闕降丰百遺共

氣京師鄂驚闕興闕軌闕端

闕

大闕其福闕興闕軌闕端

剖符北海闕所闕寇攘闕而有闕

冒闕兮闕曰闕孔闕曰闕兮闕曰闕無傷

兮異色闕艾知命亡兮不闕百闕兮闕

兮更去闕是其闕兮闕動後昆芳闕將兮

永昌号紀此銘

右故謁者景君墓表隸額景君任城人以安帝元初
元年卒石磨滅可讀者纔數句碑陰有諸生服義者
十五人即立碑之人也東都自路都尉始見墓闕蓋
表阡銘壙之濫觴也有文而傳于今則自景君始其
分行布字已井井有法題首七字波勢清逸有八分
之體惟皇帝賻三字特出於誌文之上齊葬穆妃議
立石誌王儉以為非禮經所出元嘉中顏延之輩為

之遂相祖述爾梁任昉作文章緣起又云墓碑自晉
始予考酈氏水經所載漢刻已不少後魏與齊梁時
相先後也豈碑碣多在北方南人未之見乎然郭林
宗傳云林宗既葬同志者立碑蔡邕為其文謂盧植
曰吾為碑銘多矣唯郭有道無愧色史稱王儉晉宋
以來故事儀典諳憶無遺每博議引證先儒無能異
者范書所載豈不知之今漢人墓刻猶存數十百碑
其云起於晉宋非也

隸釋

碑以玃枉為糾枉鄂驚為愕驚

全上

右漢景君碑尤磨滅惟謁者任城景君數字尚完其餘班班可見者皆不能成文故其年世壽考功行卒葬莫可考也蓋漢隸今尤難得其磨滅之餘可惜爾

集古錄

右隸書不著書撰人名氏文字訛缺其首曰惟元元下缺二字蓋其年號也又曰謁者任城景君卒其餘雖時有完者不可考矣景君石槨文附其文曰惟元

初四年三月丙戌景君卒以五年二月葬又曰司空
太常博士舉高經君為其元其後遂曰以病喪身蓋
文多訛缺此其粗可見者也皆在任城

集古錄目

右謁者景君表其額題漢故謁者景君墓表而其文
云惟元初元年五月丁卯故謁者任城景君卒其他
文字磨滅時有可讀處皆斷續不復成文矣元初安
帝時年號也此在漢時石刻中殘闕為甚特以安帝
以前碑碣存者無幾不可棄也故錄之

金石錄

謁者景君二碑安帝元初元年濟州金石略

景君碑陰

諸生服義者缺

義士北海劇張敏字公輔弟子濟北茌平甯尊字伯尊

弟子山陽南平陽方京字益平弟子濟北茌平吳良字

威賢弟子齊國臨菑宋成字子賓弟子齊國臨菑劉封

字漢輔弟子魯國卞城呂卞呂昌字永興弟子樂安高

宛牟龍字文古弟子清河靈劉翼字仲禹弟子清河靈

孟訢字輔公弟子清河靈孟福字琳道弟子魏郡庠企
田卽字季持弟子魏郡內黃景茂字元愷弟子山陽湖
陸尹倉字升進弟子山陽湖陸董奮字元夜

右景謁者碑陰義士一人曰北海張敏碑中若有剖
符北海字其文斷續難考餘人皆稱弟子則傳道受
業之人也墓之有碑所以紀功述德昭垂後世者也
一時賓客因以刻名其陰託之不朽爾今景君之碑
淪碎不復成章而碑陰諸人姓名略無刊缺物之不

可預期如此

釋隸

右謂者景君碑陰其前題云諸生服義又云義士北

海劇張敏字公輔弟子濟北荏平寧尊凡十五人皆

完好可讀云

金石錄

郊令景君闕銘

惟元初四車三月丙戌郊令景君卒以五季二月

闕

序君存時恬然無欲樂道安貧信而好古非法系

言治歐陽尚書傳祖父河南尹父步兵校尉業門徒上

錄三千餘人明明側陋遠近照聞闕司聘請添化下邳

未極考績續母棄之子無隨沒俯就禮畢故府復請司

空大常博士竝舉高經君為其元假涂郟姦郎洒心澄

激清靜英書哀嘆幸闕黃考終始無荷被病喪身題于

幽冥祖載之日游魂象生玄路皆闕朱艸闕達巷方

軌涕泣賈闕諸生服義百有餘人迺刺屯石紀闕行闕

見闕懷德聞自嘆吟千秋萬世闕為闕考積德闕

堂壇羅闕闕闕墅魂而有靈闕無闕

右郊令景君闕銘諸生服義者所立景君歷下邳郊
兩邑以安帝元初四年卒墓有雙石闕其一刻此文
在濟州任城縣南景君三世傳歐陽尚書高第編牒
至三千人公卿皆以為明經舉首亦顯門之耆儒也
碑既不載其名儒林傳唯有廣漢景鸞乃治齊詩施
氏易者范氏罔羅踈畧蓋不止一郊令也惜哉

釋隸

真即棄字寘即寘字

右景君石郭銘者余既得前景君碑又得此銘皆在

任城不知一景君乎將任城景氏之族多耶文字磨

滅不可考故附於此

集古錄

右鄭令景君闕銘云維元初四年三月丙戌鄭令景君卒又云君存時恬然無欲樂道安貧信而好古非法不言治歐陽尚書傳祖父河南尹父步兵校尉業門徒生錄三千餘人又云三司聘請流化下邳又云司空太常博士竝舉高經君為其元假涂郟城姦邪洗心又云被病喪身歸于幽冥門人服義百有餘人

按漢人為景君刻銘本欲傳于不朽而不著其族系

名字何哉

金石錄

北海相景君銘

惟漢安二年仲秋

闕

故北海相任城景府君卒歎歎

哀哉國

闕

賈英彦夫疇列宿虧精晚學後時于何穹

倉布命授期有生有死天寔為之豈夫人据彼勉不遺

於是故吏諸生相與論曰上世羣后莫不流光

闕

於無

窮豈芬耀於書篇身歿而行明體亡而名存或著形像

於列圖或數頌於管諒

字強

後來詠其烈竹帛叙其勲弓

佗誄曰伏惟

明府受質自天孝弟淵懿帥禮蹈仁相道核藝抱淑南

真晶白清方勉已治身寔深寔剛弓武弓文遵考孝謁

假階司農流惠元城興利惠民強衙段節微弱蒙恩威

立澤固化行如神帝嘉厥功授弓符命南郡益州路遐

攀親躬作遜讓夙宵朝廷建英忠謹辨秩東行璽追嘉

錫據北海相部城十九劄

字鄰

劄歸向分明好惠先弓敬

讓殘偽易心輕黠踰竟鴉梟不鳴分子還養元二鰥寡

蒙祐呂寧蓄道揄惠闕祉呂榮紛紛令儀明府體之仁

義道術明府膺之黃朱韶父明府三之台輔之任明輔

宜之呂病被徵委位致仕民闕思慕遠近搔首農夫醜

未商人空市隨輦飲淚奈何朝廷奪我慈父去官未旬

病乃困危珪璧之質臨卒不回歎闕實絕奄忽不闕孝

子愷煢顛倒剝推遂闕勉寤永潛長歸州里鄉黨墮涕

報哀故吏切怛歎款俚徇四海爾蓋驚慟傷裊大命闕

期寔惟天闕明主設位明府不就臣子欲養明府弗留
歎歎哀哉

爾曰考積幽空闕

兮闕

翔議郎兮再命厓

將綏元二兮規英槩謨主忠信兮羽衛潘屏撫萬民兮

闕恩闕兮宜叅鼎輔闕幹頡兮不求康壽闕矣

臣子兮仁敦海外著甘棠兮闕石勒銘闕不亡兮

右漢故益州太守北海相景君銘篆額濟州任城有

景氏三碑皆不著其名字景君嘗屬司農宰元城刺

益部相北海以順帝漢安二年卒其前已有誄曰其
後有鬲曰者亂省其乚也其文曰宜參鼎鞞字書無
鞞字當是借作拂取輔拂之義趙氏云碑陰載故吏
自都昌台邱暹而下十九人皆作脩行漢隸循脩二
字頗相近恐是借用爾予蓋未見也

隸釋

碑以倉為蒼以深為菜以衙為禦以醴為釋以惛
為慟以麋為眉頂即質字寧即戀字恩即惡字叅
即奔字裏即懷字真即棄字

全上

右漢北海相景君銘其碑首題云漢故益州太守北海相景君銘其餘文字雖往往可讀而漫滅多不成文故君之名氏邑里官闕皆不可考其可見者云惟漢安二年北海相任城府君卒城下一字不可識當為景也漢功臣景丹封櫟陽侯傳子尚尚傳子苞苞傳子臨以無嗣絕安帝永初中鄧太后紹封苞弟遽為監亭侯以續丹後自是而後史不復書而他景氏亦無顯者漢安順帝年號也君卒於順帝時蓋與遽

同時人也碑銘有云不永康壽余家集錄三代古器
銘有云眉壽者皆為麋蓋古字簡少通用至漢猶然

也

集古錄

右隸書不著書撰人名氏景君任城人嘗為北海相
終于益州太守碑文歷歷可見而不著君之名字蓋

北海故吏諸生之所立也漢安二年立在任城

集古錄目

右北海相景君碑在濟州任城縣景氏在漢世為任

城人今有三碑尚存余皆得之此碑最完

金石錄

右北海相景君碑金石錄云在濟州任城縣蓋景氏
在漢為任城人也予按濟州即今之濟寧州今碑乃
在州學不知何年移置於此通志金石略以不知其
地故直云未詳姚江謝中舍大中近過濟寧搨以見
惠予家自祖宗來藏碑頗富兼以予好收錄中間得
於朋友之助者十常四五如此碑是也

金薤
琳瑯

漢故益州太守北海相景君銘今在濟寧州學見永
叔明誠集中而永叔辨論加詳隸法故自古雅尚可

識益州部當言刺史不當言太守也額曰銘辭曰誅

亦屬未安東京作者往往如是

人
兼州山

此碑殘缺幾不成文考集古錄蓋自歐陽永叔時已
然而都立敬乃錄其全文止缺三十字不知何據立
敬又云家藏漢碑不完者皆以洪丞相隸釋足之此
是耶王元美曰隸法故自古雅但益州部當言刺史
不當言太守額曰銘辭曰誅亦屬未妥東京作者往
往如是而碑中眉壽作麋壽歐公以為古字通用良

是

石墨
錫羊

簡翁嘗言碑之有額猶人身有首裝者不可棄今觀此帙乃得其寔也然洪跋謂任城有景氏三碑而近世收者獨此何耶昔人謂漢碑在世猶鳳翎麟角不可因其殘剝而輕舍淵泉其懷慎守之也嘉靖甲寅

四月七日記

女牘
記

漢故益州太守北海相景君銘隸書似聊以勒石非當時名手第小具一種拙朴之意且有八分遺則自

是時代使然亦不為佳也今人不習古乃謂一出古
人色色皆佳了無軒輊不知三代彝器古雅竒絕千
載無匹而野鑄鼎彝非不古色蒼然而花文款識粗
鹵不足觀者多矣矧漢代乎余藏漢碑數種後之所
收不可知據吾目覩當以韓勅修禮器碑為第一嘗
評其用筆結體玄妙入微當得之神工弗由人造或
謂此銘時代前於禮器碑古質似勝按此石建於漢
順帝漢安二年青龍在敦牂禮器碑建於桓帝二年

涪灘雖經三帝僅十五年耳何時代之足云王元美
賞鑑前無古人亦云隸法古雅古自其時正以未雅
耳孔廟碑結體古逸兼有分法反謂非其至者皆所
未解至謂益州部當言刺史不當言太守額曰銘辭
曰誄亦屬未安東京作者往往如是自是名言因附
著之額字小篆去秦未幾更相絕千里余得漢朔方
守右第三銅虎符銀錯小篆又絕類秦碑字何也想

書碑既非名手額篆亦爾耶

金石史

北海相景君碑陰

故闕中部督郵都昌尹忠字定公故門下督盜賊掾劇

闕頌字闕遠故門下議史平昌蔡規字中舉故下門下

書佐闕陵孫榮字世榮故門下書佐淳于逢闕字成故

騎吏劇闕麟字闕石故吏朱虛孫徵字武闕故吏營陵

薛逸字伯踰故吏營陵闕字中闕故吏都昌呂福字

益闕故吏都昌強闕字光闕故書佐都昌羽質字孟闕

故書佐闕虛闕字君大故書佐闕壽淳于闕

故書佐營陵徐昌字昌善故書佐都昌闕彤字闕甫故

書佐淳于孫闕字元闕故書佐營陵鍾顯字闕寶故書

佐東安平闕廣字廣宗故書佐劇紀政字世堅故書佐

淳于孫晁字威光故修行都昌董方字季方故修行都

昌台邱暹字世德故修行營陵曾闕字漢興故修行都

昌闕字久故修行營陵闕字護宗故修行營陵

闕暹字武闕故修行營陵臨照字景耀故修行都昌張

駸字臺闕故修行營陵淳于登字登成故修行營陵顏

理字中理故脩行營陵水邱郎字君闕故脩行都昌呂

興字世興故脩行都昌逢進字世安故書佐劇徐德字

漢昌故書佐劇姚進字元豪故書佐劇邴鍾字元鍾故

書佐都昌張翼字元翼故脩行都昌張闕字季遠故脩

行劇中闕字季遠故脩行平闕允字伯允故脩行淳

于趙尚字進卿故脩行都昌段段晉字世節故脩行都

昌齊晏字闕子故午營陵闕遷字世達達故午營陵昌

敏字元成故午淳于董純字元祖故午營陵闕良字世

勝故午朱虛炅詩字孟道故午都昌呂立遷字孟堅故

故

都昌齊冰字文達故

都昌張亮字元亮

帝

故臣吏慎終追遠

墳園

禮備陵成立樹立既就聖典有制三

墓側歲壤

遺辭以明

靈瑕顯

降吾嘉祐

右景君碑陰按後漢書職官志注河南尹官屬有循

行一百三十人而晉書職官志州縣吏皆有循行今

此碑陰載故吏都昌台邱暹而下十九人皆作脩行
他漢及晉碑數有之亦與此碑陰所書同豈循脩字
畫相類遂致訛謬耶碑陰又有故午營陵是遷六人
名姓莫知其為何官又台邱不見于姓氏書惟見于

此者兩人云

金石錄

右景君碑陰列門下書佐及故吏等名中有脩行凡
十九人趙氏謂後漢書百官志注河南尹官屬有循
行吏一百三十人而晉書百官志亦有循行以為循

與脩字畫相類遂致譌謬予謂景君碑刻於漢時而後漢書舊皆出傳錄則以脩為循者特傳錄之誤耳趙氏不信碑本而信漢書又且復引晉書為證殊不知晉書修於唐其亦曰循行者蓋仍漢書之誤而云

然也

金薤
琳瑯

敦煌長史武班碑

建和元年大歲在丁亥二月辛巳朔廿三日癸卯長史

同

下
闕

敦煌長史武君諱斑字宣張昔殷王武丁久伐鬼方元
功章炳勲咸王府官族分析曰以為氏焉武氏蓋其後
也商周假彘歷世墮遠不隕其美漢興以來爵位相踵

闕朝忠臣君多闕顏閔之楸質長敷存夏之文學慈惠

寬闕孝友玄妙苞羅術藝貫洞聖闕博兼闕耽綜典

籍闕純求福不回清聲美行闡形遠近州郡貪其

高賢闕請以闕歲舉闕翼裁宮闕詔除光顯玉

室有闕於國帝庸嘉之掌司古闕領校祕卿斫闕幽微

追昔劉向耕賈之徒比闕萬矣時戎闕匡正一闕

朝廷惟憂闕有司闕舉君斑到官之日闕癘吏士

哮廂之怒薄伐闕並百姓賴之邦

域既寧久勞于外當還本朝以叙左右以求嘉元車闕

月闕日遭疾不闕哀闕於是金鄉長河間高陽史恢等

追惟昔日同歲郎署感闕為自古在昔先聖與仁闕

興替闕人存生榮死哀是闕萬幸伊君遺德闕孔之

珍故闕石銘碑以旌明德焉其辭曰於惟武君允德允

恭受天休命積祉所鍾其在狹提岐嶷發蹤謙闕守約

唯誼是從孝深凱風志絜羔羊樂是闕恬此闕光孳

孳臨川闕見闕庸席仰其首微妙玄通闕然清邈闕

升闕為帝股肱扶助大和萬民鹵蒙顯宗闕

史官書功昊天上帝降茲鞠凶掩忽徂逝闕

不享闕考大命闕百遺惟闕后帝感傷學夫喪師士

女悽愴闕表金門令問不忘垂闕後昆萬載歎誦闕

尚書丞沛國蕭曹芝闕宣成武令中山安熹曹种闕

豐令下邳良成徐崇

闕

故陳留府丞魯國魯

闕

防東長齊國臨菑

闕

紀伯允書此碑嚴祺字伯曾

右故敦煌長史武君之碑隸額在濟州任城武君名

斑字宣張從事梁之猶子吳郡府丞開元之元子執

金吾丞榮之兄也以冲帝永嘉元年卒碑者後三年

同舍郎史恢曹芝六人所立字小石損

隸釋

班碑 右班碑者蓋其字畫殘滅不復成文其氏族

州里官闕卒葬皆不可見其僅見者曰君諱班爾其

首書曰建元年大歲在丁亥而建下一字不可識以漢書考之後漢自光武至獻帝以建名元者七謂建武建初建光建康建寧建和建安也以歷推之歲在丁亥乃章帝章和元年後六十一年桓帝即位之明年改本初二年為建和元年又歲在丁亥則此碑所缺一字當為和字乃建和元年也碑文缺減者十八九惟亡者多而存者少尤為可惜也故錄之治平元

年四月二十日書

集古錄

右不著撰人名氏嚴祺字伯魯隸書君名班字宣

一下

字缺

敦煌人碑以建和元年立今其文字磨滅姓名鄉

里粗得其髣髴而官爵事迹皆不可復知矣

集古錄目

後得別本模搨麓明始辨其一二云武君諱班乃易

去前本熙寧二年九月朔日記

六一題跋

右敦煌長史武班碑歐陽公集古錄云漢班碑者蓋其字畫殘滅不復成文其氏族官闕卒葬皆不可見其可見者君諱班爾今以余家所藏本考之文字雖

漫滅然猶歷歷可辨其額題云漢故燉煌長史武君
之碑知其姓武而官為敦煌長史也碑云君諱班字
宣張昔殷王武丁克伐鬼方元功章炳勳藏王府官
族析分因以為氏知其名字與氏族所出也又云永

嘉元年卒知其卒之年月也

金石錄

右漢燉煌長史武班碑歐陽公謂其字畫殘滅氏族
州里官闕卒葬皆不可見趙氏謂以所藏本考之班
官闕氏族與卒之年月皆歷歷可辨趙氏生歐公之

後不應其本若是豈歐公者搨於當時而趙氏者得之古搨邪子家本視趙氏雖若不逮然亦有可讀者

金 蘇
琳 瑯

從事武梁碑

官壽殘失威宗建和之元年開明爲其兄立闕刻其

下闕

成行攄騁技巧委蛇有章垂示後嗣萬卉不亡

其辭曰

懿德玄通幽以明子隱居靖霞休曜章子樂道忽榮垂

蘭芳子身歿名存

闕下

右從事武君碑在濟之任城武君名梁以威宗元嘉
元年卒孝子仲章等立此碑輿服志古者有冠無幘
秦後稍稍作顏題漢文乃崇其中為屋衣冠童子幘
無屋者亦未成人也此碑及武榮碑皆有闕幘傳講
之文蓋謂其未冠之年已能傳道講學也武君屢辭
辟召不闕權門踰七望八爵秩不躋故銘文無可鋪
叙而其後云孝子孝孫躬脩子道竭家所有選擇名

石南山之陽擢取好妙色無斑黃前設壇墀後建祠
堂良匠衛改雕文刻畫羅列成行攄騁技巧委蛇有
章若曰松菽窀穸之事不應辭費如此此碑長不半
尋廣纔尺許既無雕畫技巧亦非羅列成行其辭決
不為碑設也詳味之指石室畫像爾

隸釋

右從事武梁碑云故從事武掾諱梁字綏宗體德忠
孝岐嶷有異治韓詩闕憤傳講兼通河雒諸子傳記
又云州郡請召辭疾不就安衡門之陋樂朝聞之義

又云年七十四元嘉元年季夏三日遭疾隕靈其後
有銘云懿德玄通幽以明兮隱居靖處休曜章兮樂
道忽榮垂蘭芳兮身沒名存傳無疆兮其他刻畫皆
完可讀文多不盡錄碑在濟之任城余崇寧初嘗得
此碑愛其完好後十餘年再得此本則闕其後四字

矣金石錄

吳郡丞武開明碑

右吳郡丞武開明碑云君字開明而其名已殘闕又

云永和二年舉孝廉除郎謁者漢安二年遷大長秋
丞長樂大僕丞永嘉元年哭母去官復拜郎中除吳
郡府丞壽五十七建和二年十一月十六日遭疾卒
其可見者如此其他磨滅不能盡讀按後漢書志大
長秋丞一人秩六百石本任宦者又長樂少府位長
秋上及職吏皆宦者又有太僕二千石在少府上丞
六百石據志所載中宮及長樂宮官屬皆以宦者為
之而以史傳及漢魏石刻參考如大長秋少府之類

金定四庫全書
卷四十一
皆雜用士人今武君以孝廉為郎謁者郎中吳郡府丞皆非官者之職然則兩宮官屬蓋亦雜用士人也

金石錄

執金吾丞武榮碑

君諱榮字含和治魯詩經韋君章句闕幘傳講孝經論語漢書史記左氏國語廣學甄徽靡不貫綜久游大學貌然高厲鱗於雙匹匹字學優則仕為州書佐郡曹史主簿督郵五官掾功曹守從事平世六汝南蔡府君察舉

孝廉闕郎中遷執金吾丞闕遭孝桓大憂七守立武感

哀悲慟加遇害氣遭疾隕靈闕君即吳郡府卿

之中子敦煌長史之次弟也廉孝相承亦世載德不忝

闕命闕不竟台衡蓋觀德於始述行於終於是

刊石勒銘垂示無窮其辭曰

天降雄彥資才卓茂仰高鑽堅允文允武內幹三署外

陟旅勒七守舊威闕武闕旗絳天雷震電舉軟耀赫

然陵惟孝扁當遂股肱闕之元輔天何不帝降此闕咎

瘳乎哉君仁如不壽濟不副德位不稱功咸襄傷愴遠

近哀同身沒

闕

萬世諷誦

右漢執金吾丞武君之碑隸額在濟州武君名榮吳郡君名開明敦煌君名班榮之亡在靈帝初漢興魯申公為詩訓故齊轅固燕韓嬰皆為之傳又有毛氏之學故曰詩分為四申公授瑕邱江公韋賢治詩事江公傳子元成皆至丞相孫賞以詩授哀帝至大司馬魯詩有韋氏學此曰治魯詩經韋氏章句者此

也闕幘者未冠幘之稱語在武梁碑中蠡古鮮字蠡

於雙匹者鮮雙寡匹也

釋隸

右漢武榮碑云君諱榮字含和治魯詩經韋君章句

孝經論語漢書史記左氏國語為州書佐郡曹史主

簿督郵五官掾功曹年三十六南蔡府君察舉孝廉

執金吾丞孝桓大憂屯守立武闕加遇害氣遭疾隕

靈其餘文字殘缺不見其卒葬年月又不著氏族所

出惟其碑首題云漢故執金吾丞武君之碑云

集古錄

右漢隸不著書撰人名氏榮字含和桓帝末官至執

金吾丞碑不書其鄉里及卒葬年月

集古錄目

右漢執金吾丞武榮碑歐陽公謂其文字殘缺不見

卒葬年月及氏族所出予家本殘缺與歐公同而隸

釋所載者則又往往可讀如云君即吳郡府卿之子燉

煌長史之次第此乃其氏族之所出也但碑文簡短

不書卒葬年月歐公特未之知耳

金薤琳瑯

八分書無年月今在濟寧州儒學殘缺 婁機漢隸

字原曰碑言遭桓帝大憂哀殞而亡當是靈帝時也

王弘撰曰碑額漢故執金吾丞武君之碑十字作

陰文凸起他所無也

金石文
字記

武字石闕銘

右武氏石闕銘云建和元年大歲在丁亥三月庚戌
朔四日癸丑孝子武始公弟綏宗景興開明使石工
孟季季弟卯造此闕直錢十五萬孫宗作師子直四
萬開明子宣張仕濟陰年二十五曹府君察舉孝廉

除敦煌長史被病云歿苗秀不遂嗚呼哀哉士女痛

傷武氏有數墓在任城開明者仕為吳郡府丞綏宗

名梁仕為郡從事宣張名班皆自有碑

金石錄

司隸校尉楊孟文石門頌

集古錄作司隸校尉楊厥碑

惟川靈定位川澤股躬澤有所注川有所通余言之川

其澤南隆八方所達益域為充

高祖受命興於漢中道由子才出散入秦建定帝位以

漢詆罵

馬字

後以子才塗路茲難更隨圍台復通堂光凡

此四道堦高尤无字尤難至於永平其有四車詔書開余

鑿通石門中遭元二西夷雷殘槁梁斷絕子干復脩上

則縣峻屈曲沅顛下則人字入寘字冥廩寫輸淵平阿涼泥

常蔭鮮晏木石相距利磨确膝臨危槍碣履尾心寒肉

輿輕騎遶昇弗前憲宏幣狩蛇蛭毒蟻未秋截霜稼苗

友字天殘終車不登匱餒之患卑者楚憲尊者弗安愁苦

之難罵可具言於是明知故司隸校尉捷為武陽楊君

厥字孟文深執忠仇穀上奏請有司議駁君遂執爭百

遼咸從帝用是聽廢子由斯得其度經功飭爾要敬而
晏平清涼調和烝二艾寧至建和二車仲冬上旬漢中
太守健為武陽王升字稚紀涉歷山道推序本京嘉君
明知美其仁賢勒石頌德以明厥勲 辭曰

君德明二焯煥彌光刺過拾遺厲清八荒奉魁承杓綏
億衙彊春宣聖日秋貶若霜無偏蕩二真睢以方寧靜
烝庶政與乾通輔主匡君循禮有常咸曉地理知世紀
綱言必忠義匪石厥章屢弘大節讜而益明撰往卓今

謀合朝情醴艱即安有勲有榮禹鑿龍門君其繼蹤上

順斤

斗字

極下谷川皇自南自北四海攸通君子安樂庶

土

士字

悅靡商人咸懽農夫永同春秋記異今而紀功出

添億載世

二嘆誦

序曰明哉仁知豫識難易原度天道安危所歸勤二竭
誠榮名休麗

五官掾南鄭趙邵字季南屬襄中崑漢彊字產伯

書佐西戍王戎字文寶主

王府君閔台道 難分置六部道摛特遣行承事西戍
輔服字顯公都督掾南鄭魏整字伯玉後遣趙誦字公
梁按察中曹卓行造作石積萬世之基或解高格下就
平易行者欣然罵

伯玉即日從署行承事守安陽長

右故司隸校尉捷為楊君頌隸額在興元威宗建和
二年漢中太守王升立碑云司隸校尉楊君厥字孟
文水經及歐趙皆謂之楊厥碑蜀中晚出楊淮碑云

司隸校尉楊君厥諱淮字伯邳大司隸孟文之元孫也始知兩碑皆以厥為語助此乃後政誦其勲德故稱而字之不稱其名順帝紀延光四年詔益州刺史罷子午道通褒斜路蓋從其所請也子午者長安正南山名褒斜者漢中閣名高祖開石門史策不書亦見鄭閣碑平帝時王莽以皇后有子孫瑞遂通子午永平之詔史亦闕文安帝永初元年先零叛斷隴道寇三輔入益州殺漢中守乃橋梁斷絕時也自明帝

永平四年通石門至永初幾五十年自永初襄斜斷
絕至延光四年凡十五年水經云石門穿山通道六
丈有餘即秦人取蜀之石牛道楊君因而廣之蜀都
賦岨以石門是也門在漢中之西襄中之北襄水南
歷襄口北出斜谷鄧騭傳元_二之災注云元_二即元
元也古書字當再讀者即於上字之下為小二字言
此字當兩度言之後人不曉遂讀為元_二或同之陽
九或附之百六良由不悟致斯乖舛岐州石鼓銘凡

重言者皆為二字明驗也趙氏云此碑有曰中遭元
二西戎虐殘橋梁斷絕若讀為元元則為不成文理
疑當時自有此語漢注未必然也予按漢刻如北海
相景君及李峻夫人碑之類凡重文皆以小二字贅
其下此碑有烝烝明明蕩蕩世世勤勤亦不再出上
一字然非若元二遂書為大二字也又孔耽碑云遭
元二軾軻人民相食若作元元則下文不應又言人
民漢注之非明矣王充論衡云今上嗣位元二之間

嘉德布流三年零陵生芝草五本四年甘露降五縣
五年芝復生六年黃龍見大小凡八章帝紀所書建
初三年以後龍芝甘露之瑞皆同則論衡所云元二
者蓋謂即位之元年二年也鄧君傳云永初元年夏
涼部畔羗搖蕩西州詔隲將羽林軍五校士擊之冬
徵隲班師迎拜為大將軍帝紀班師在二年十月
月傳有脫誤字也時遭
元二之災人士荒飢盜賊羣起四夷侵畔隲崇節儉
罷力役進賢士故天下復安四年以母病求還侍養則

此傳所云元二者亦謂元年二年也安帝紀書兩年
之間萬民飢流羗貊叛戾又與傳同此碑所云西戎
虐殘橋梁斷絕正是鄧騭出師時則史傳碑碣皆與
論衡合建初者章帝之始年永初者安帝之始年乃
知東漢之文所謂元二者如此

釋隸

碑以余谷為斜谷充為衝詆為抵並為澁蔭為陰
遼為寮弊狩為斃獸衙為禦縱為蹤憶為喜積為
積西戍為西城高即鬲字塗即塗字斷即斷字脍

金定四庫全書
卷四十
即磐字滯即滯字尋即礙字惠即惡字彊即彊字

厥即恢字醜即釋字繼即繼字

上全

右漢司隸校尉楊厥碑云惟靈定位川澤攸同澤有所注川有所通余谷之川其澤南隆八方所達益城為充高祖受命興於漢中道由子午出散入秦建定帝位以漢詆焉後以子午塗路澀難更隨圍谷復通堂光凡此四道堦鬲允艱至於永平其有四年詔書開余鑿通石門中遭元二西夷虐殘橋梁斷絕子

谷復循於是故司隸校尉捷為武陽楊厥字孟文深
執忠伉數上奏請廢子由斯得其度經至建和二年
漢中太守王升字稚紀嘉君明知美其仁賢勒石頌
德以明厥勲其辭大略如此其刻畫尚完可讀大抵

述厥脩復斜谷路爾但其用字簡省復多舛謬惟以
川為坤以余為斜漢人皆爾獨詆字未詳永平明帝

建和桓帝年號也

集古錄

右司隸校尉楊君頌隸書不著書撰人名氏文為韻

語然其事迹粗可考見其所頌者楊君復斜谷之路也永平中始詔開余谷中間西羗亂道絕不通復由子午谷險阻為患司隸校尉犍為武陽楊厥字孟文請廢子午道復由斜谷建和二年漢中太守王升稚紀為之刻石頌德其所謂余谷者蓋斜谷也漢人用字多從省文如此耳碑在興元

集古錄目

右司隸楊厥開石門頌余嘗讀范曄後漢書鄧騭傳有云時遭元二之灾人士饑荒章懷太子注以謂元

二即元元也古書字當再讀者即於上字下為小二
字後人不曉遂讀為元二或同之陽九或附之百六
良由不悟致斯乖舛今岐州石鼓銘凡重言者皆為
二字明驗也其說甚辨學者信之今此碑有曰中遭
元二西戎虐殘橋梁斷絕若讀為元元則為不成文

理疑當時自有此語漢書注未必然也

金石錄

墨寶云楊君石門頌在褒地縣北五里磨崖

漢隸字原

祝長巖訶碑

右祝長嚴訢碑政和中下邳縣民耕地得之碑云惟
漢中興卯金休烈和平元年歲治東宮星屬角房月
建朱鳥中呂之均萬物慈射華澤青葱蚊行蠕動咸
守厥常人物同受獨遭灾霜顛實徂落壽不寬弘經
設三命君獲其央年六十九又云伊歎嚴君諱訢字
少通兆自楚莊祖考相承招命道術治嚴氏春秋馮
君章句又云幼為郡掾史會稽諸暨尉烏程毗陵餘
暨章安山陵長以病去官後為丹陽陵陽丞守春穀

長舉廉遷東牟侯相下邳祝長典牧十城所在若神

其後有銘銘為五言頗殘缺難讀云

金石錄

政和中出於下邳漢人銘墓皆一律此碑先書其所
終歲月及壽考有嗟惜之辭踰百言始云伊歎嚴君
諱訢字少通遂述其行事與費鳳兩碑略相似銘詩

亦五言列種諸竒樹一句又同豈此碑亦卜君所作
乎訢所歷者諸暨尉烏程毗陵餘暨章安山陰長丹
陽陵陽丞春穀長東牟侯相祝長年六十九以威宗

和平元年卒其云歲次東宮星屬角房月建朱鳥中

呂之均者謂庚寅四月也

續 隸

平都侯相蔣君碑

君諱闕字闕

其先出自闕

后稷之闕

至於成王先

有天下錫地闕

畿俾侯于蔣曰而闕

秦闕

諸夏闕

恥捐闕

土闕

紵曰闕

遐

阻闕

居來南適彼荆闕

漢君之祖考闕

為交州刺史從父交趾太守闕

能輸力王室以薦臣節

功列天府令問不已君績厥緒載德不

闕

山之

闕

秉

闕

之芳刑膺顏夏之殊行孝友

著於閨門弟順稱于鄉黨敦書說禮

闕

好仁

闕

事

闕

學優則仕歷郡五官掾功曹正色立於朝

有孔父

闕

前後牧以禮辟命委質承

闕

行成於內名播于外再為計掾光光擣擣與

乃時京師百郡覲會莫不

闕

闕

中昭

闕

之則夙枚惟寅

闕

翼天

闕

禮朝選明德出宰豫章平闕

季文之清約闕 約之政布愷悌之化經國以禮闕

以義異郡黔首繼負歸闕 君文

不犯順武不違敵賞善罰否寬猛協中闕 濟清瑛遵五

迸四仁慈春夏威若闕 威囹圄空

虛路靡怨闕 睦宇宙稱平三載考績功業顯明

當據符闕 受福無疆闕 天不弔降灾賢良闕 六十有五

元嘉二年三月甲午卒遭疾不豫闕 卒于官國喪惠君

朝失楨幹百

闕

悲恨若鄭亡產遐邇

闕

女增歎

闕

曹忉怛

闕

罔極

闕

愛敬終以哀感禮畢祥除餘悲

憑億瞻望墳塋循墓徘徊松柏

闕

冥涕泣愴悽感慕詩

人慕慕者儀追頌遺訓刊之玄珪其辭曰

於穆林丞寔乾所生

闕

挺出

闕

性純清文為儒宗武

則干城顯顯昂昂臨朝有光宿衛紫微雯恪在勤典國

治民其化若

闕

州郡

闕

龜銀皇矣上帝賦命不

均喪漢良輔社稷之鎮洲人君子胡不萬車改世不朽

闕
汴後昆

右漢故平都侯相蔣君之碑篆額今在道州碑石漫滅不得其名字平都侯國屬豫章郡碑有出宰豫章平五字其下闕文即平都也蔣君以威宗元嘉二年卒其文有云禮畢祥除瞻望墳塋則此碑乃後來所立學記蛾子時術左傳蛾析皆讀蛾為蟻史記索隱讀淳化鳥獸蟲蛾亦作蟻漢碑書慕莪皆作蓼儀亦有作慕義者詩人以儀與河阿叶韻則是讀儀為俄

也此以慕慕者儀叶涕泣愴悽刊之玄珪則又讀如

本字大學云迸諸四夷釋迸為屏後漢傳有遵五屏

四之文此碑亦然蓋漢人傳曾論有如此者

釋隸

碑以芳刑為芳形搞搞為矯矯憑億為憑臆清瑛

為清英

上全

右平都侯相蔣君碑文字殘闕其名字官闕皆不可
考惟其額題漢故平都侯相蔣君之碑而碑云年六
十有五元嘉二年三月甲午卒爾有劉景文季孫者

知名士與余先公有舊家藏金石刻千餘卷既歿其子不能保為一武人得之其後余故人王偁定觀復得數百卷其中漢碑數本余所未有者悉以見贈此

其一也

金石錄

丹陽太守郭旻碑

右丹陽太守郭旻碑云君諱旻字巨公有周之裔也又云治律小杜幼仕州郡察孝廉除郎中謁者遷敬陵園令廷尉左平治書侍御史獄刑無頗憲臺如砥

以父憂去官選拜郎中侍御史遭母憂服除復拜郎
中治書侍御史遷冀州刺史徵拜尚書是時淮夷蠢
逆帝疇官綏策書褒厲俾守丹陽為政四年以公事
去官年過耳順寢疾瘖頽延熹元年十月戊戌卒其
十二月丙申葬徵言絕矣諸子曷仰三載禮闕廼羣

相與刻石勒銘最後云昔君即世雖立碑誦裁足載

字加有瑕闕君之弟故太尉薨歸葬舊陵於是從子

故五原太守鴻議郎某及涓孫某其名懷祖之德乃

更刻石不改舊文蓋用昭明祖勲焉郭氏為陽翟著
姓自公以來世以通法律顯名此碑所謂太尉公者

禧也

金石錄



六藝之一錄卷四十